

Na osnovu Zakona o ustanovama ("Službeni list RBiH", broj 6/92, 8/93 i 13/94), Odluke o osnivanju JU "Sarajevski ratni teatar SARTR" ("Službene novine Kantona Sarajevo" broj 3/99, 31/07 i 01/13), i člana 33. i 66. Pravila Javne ustanove „Sarajevski ratni teatar SARTR "(04-36-04.1-P-UO/23 od 17.04.2023.), Upravni odbor Javne ustanove "Sarajevski ratni teatar SARTR " na sjednici održanoj dana 31.01.2024.godine, donio je

PRAVILNIK O NAKNADI ZAPOSLENIKA JAVNE USTANOVE „SARAJEVSKI RATNI TEATAR SARTR“ ZA AUTORSKI RAD IZVAN OPISA POSLOVA SVOG RADNOG MJESTA KAO I IZVOĐAČKE POSLOVE IZVAN RADNOG MJESTA

Član.1

Pravilnikom o naknadi zaposlenika Javne ustanove "Sarajevski ratni teatar SARTR " za autorski rad izvan opisa poslova svog radnog mjesta kao i izvođačke poslove izvan radnog mjesta (u daljem tekstu: Pravilnik) regulišu se međusobni odnosi, prava i obaveze između JU "Sarajevski ratni teatar SARTR " i zaposlenika JU "Sarajevski ratni teatar SARTR“ u izuzetnim slučajevima kada se zaposlenik angažuje za poslove koji se smatraju autorskim djelom ili se angažuje kao umjetnik izvođač na poslovima koji nisu predviđeni opisom poslova i radnih zadataka radnog mjesta na koje je zaposlenik raspoređen u JU "Sarajevski ratni teatar SARTR " (u daljem tekstu: Teatar).

Član.2

U izuzetnim slučajevima, koje reguliše ovaj Pravilnik, Teatar povjerava obavljanje poslova umjetnicima koji su zaposleni u Teatru, a koji se pored svojih redovnih poslova angažuju i kao autori ili umjetnici izvođači.

Član.3

Teatar može samo jedanput godišnje angažovati zaposlenika, uz naknadu, za potrebe produkcije Teatra, za obavljanje poslova koji se smatraju autorskim djelom, a koji nisu predviđeni opisom poslova i radnih zadataka na koje je zaposlenik raspoređen.

Član 4.

Zaposlenik će poslove, za koje je angažovan od strane Teatra, obavljati na način koji neće štetiti obavljanju poslova i radnih zadataka na svom redovnom radnom mjestu.

Član 5.

- (1) Za angažovanje zaposlenih u Teatru, kao autora, za poslove koji nisu u okviru opisa poslova njihovog radnog mjesta, autoru pripada naknada;
- (2) Naknada, iz stava (1) ovog člana, autoru se isplaćuje putem ugovora o autorskom djelu i to:
 - za režiju, jedna ili dvije mjesečne plaće predviđene za radno mjesto Režisera I definisano Kolektivnim ugovorom za djelatnost kulture u Kantonu Sarajevo (u daljem tekstu: Kolektivni ugovor), ovisno od složenosti navedenih poslova;
 - za kostimografiju i scenografiju, jedna ili dvije mjesečne plaće predviđene za radno mjesto scenografa i kotimografa definisanim Kolektivnim ugovorom, ovisno od složenosti navedenih poslova;
 - za dramaturgiju u određenoj predstavi jednu mjesečnu plaću predviđenu za radno mjesto dramaturga definisanu Kolektivnim ugovorom;

Član 6.

- (1) Za angažovanje direktora Teatru, kao umjetnika/izvođača, isplatiti će se izvođačka naknada.
- (2) Naknada iz stava (1) ovog člana, umjetniku/izvođaču isplaćuje se mjesečno putem ugovora o autorskom djelu i to :
 - za obavljanje izvođačkih poslova dramskog glumca u iznosu od 15% neto plaće glumca koju je primao prije postavljenja na mjesto direktora, ako je igrao u jednoj predstavi u tom mjesecu,
 - za obavljanje izvođačkih poslova dramskog glumcu u iznosu od 30% neto plaće glumca koju je primao prije postavljenja na poziciju direktora, ako je igrao u dvije ili više predstava u tom mjesecu.
- (3) Ukoliko umjetnik/izvođač nije igrao u predstavama koje su na repertoaru u određenom mjesecu, naknada za taj mjesec se ne isplaćuje.

Član 7.

- (1) Visinu iznosa autorske i izvođačke naknade utvrđuje direktor Teatra za svaki konkretan slučaj, izuzev za slučaj kada zaposlenik Teatra koji čini umjetnički ansambl obnaša funkciju v.d. direktora ili direktora Teatra, visinu iznosa autorske i izvođačke naknade utvrđuje Upravni odbor Javne ustanove "Sarajevski ratni teatar SARTR".
- (2) Zaposleniku Teatra se ne može isplatiti iznos autorske ili izvođačke naknade, u skladu sa odredbama ovog pravilnika, veći od 40% neto plaće koju ostvaruje za redovan rad u jednom mjesecu.

Član 8.

Izmjene i dopune ovog Pravilnika vrše se na isti način kao i za sam pravilnik.

Član 9.

- (1) Pravilnik stupa na snagu danom usvajanja od strane Upravnog odbora JU „Sarajevski ratni teatar SARTR“.
- (2) Stupanjem na snagu ovog Pravilnika prestaje da važi Pravilnik broj 04-36-1-P/23 od 23.09.2022. godine i Pravilnik o izmjenama i dopunama broj 04-36-07.1-P-UO/23 od 27.06.2023. godine.

Član 10.

Pravilnik će se objaviti na oglasnoj ploči i web stranici Teatra.

Broj: 04-36-07.2-P-UO/24
Sarajevo, 31.01.2024. godine

VD Predsjednika Upravnog odbora

Mirza Avdić